



登記號	005313
類號	
類別	子部小說類
全書	而一册


國立中央圖書館, NATIONAL CENTRAL LIBRARY, TAIWAN, R.O.C.



3435891



國立中央圖書館, NATIONAL CENTRAL LIBRARY, TAIWAN, R.O.C



雲仙雜記目錄

卷之一

幽人筆

飛雲履

孫登琴

棋聲與律呂相應

紅白二墨

龍耳李

礪黃梳

夢裁錦

無塵子

惜春御史

黑松使者

柳神九烈君

六鼻鏡生雲烟


文星典吏

玄山印記

水玉數珠

雲山雜記目錄


國立中央圖書館 NATIONAL CENTRAL LIBRARY, TAIWAN, R.O.C



為梨花洗粧	籠桶衫柿油巾
石斧銘	棠木印
鳳窠群女	地仙圓
涼物	梅粧閣
洛陽歲節	旃檀寺春秋二會
搔首問青天	清高門戶
午橋莊	養硯墨筆紙
迷香洞	袖裏春
金鳳凰	三賢松
芋魁遭遇	山神以豐年相報

卷之二

縮龍臺	吳興米
掃露明軒	吞雲夢澤
田水聲過吾師	龍鬚灰
隱士衫	俗弄鍼砭詩腸鼓吹
半月履	菱角巾
天鯉五色	烟姿玉滑
日精	火筋如兩儀
羔羊揮淚	屋龍更衣
掌有卧蛇文	粟米為關



九華半臂

蓮官面長額有光氣

壺中景

辨琴秦楚聲

臨光宴

水松坪

泛春渠

百花獅子

桃花紙

酒器九品

暖香滿室如春

啼猿生蕨

買春錢

苦吟

鏡龍牙

碎金面茶盤

琴價與武庫爭先

圍棋奪造化

墨紋如屨皮

換茶醒酒

腸胃文章映日

天峰煤與綾文刺孰味

翎飼鳩

花簪屢損帽簷

翡翠指環

赤將軍

地脂

胡麻咬犬

得意田

卷之三

過門錢

虞永興書

一醉六日

起宅刷以醇酒

顯梁宇

郇公厨

厨工以木湯盥手

書此山移文



爭春館

薛家士風

食蒲桃

梅聘海棠張子臣櫻苑

檜生藥園

過廳羊

軟漆煙桑枝為籬障

嚼鷄舌香

能詩

朱書禹字渡江河

畫數天星知碁勢

雌雄樹

作詩如繡花

仇玉膏

貯蘭蕙

百齒梳

科斗筋魚尾匙

唾地成文

葛蒲當拜母名

界尺筆槽

犀如意

萱州浣衣

虎毛紅管筆

一詩輒洗其筆

向中喜得魚竹

洪兒紙

束修羊

惠一絲兩絲

巖成金釵

鷄鴨卵殼

八梭綾

染花奩

文享媚香無忝

少延清歡

筆文章貨


降龍道者

何徵君隱吳郡

西昌後士

享鹿肉

獮貍記室



卷之四

租蔬助鼎俎

蓄鴨

石鼈銜賦題

自負書劍

松精成使者

龍窠石

召客念無魚

金鷄抱卵時

胡松節支琴

竊嚙碁子

墨染紙不昏

茶燠縛奴投火

袖餅班中

石蓮蓮

鵝蒸

粉指印青繡

一里更二馬

旋風筆

贈相得以鴉

物價至微

夜飛蟬

羲之鬼

竹枝曲

却光先生

小兒司命

青繩拜賀

莽得石牌

貧而圖婚

以海鮫皮為鼓

上元影燈

軟橐饅

竊花

酒窟


詩成裁函紙

白羊拏點芳草

浮萍為鴨作茵褥

自為小君裁翦

貴家碁子



弄葫蘆成詩

好讀離騷

桜花浸酒

桃野蘇

蕪酒

祭詩以酒脯

破磨齋

飲衣

凌虛宴

桃花醋

蝮肝龍首

卷之五

筆插窻竹影

糖蜜莫逆交

印宮人臂

念金輪呪

水晶環渡舟

鳴牙餅

棠隸之好

金蘭簿

鴨邨成花

燭闌

宴容典斟

金牌盈座

聚香團

待闌鴛鴦社

咲春紅

二花

三鹿郡公

崑崙玉盞

坐間狂丹花

杜鵑喚婦

遇河神


口吻生花

贈詩勝爛黃魚

折筯不休

防風粥

食蠟蚌



羣公對壺

屋瓦皆鏤

三年不見羊角

揀星盆

作剪刀

左襟巾拭面

碑石

漬紙

除夜歎老

印普賢像

三辰酒

桑木根可作沉香想

皂莢與日爭功

雷門四老石

握麥芒刀字

麒麟草

魚藻洞

鼻出黃膠

數米而食

廬墓日影為之不移

飼牛以天麻飯

高麗絲結

食牛肺犯天樞使

菖蒲成獅子鬘鳳狀

鴨肝豬肚

吞花卧酒

遶樁不染風

屋竅如七星

斗麵為糊供絨封

麪如棗板而中空

卷之六

讀書數真珠為記

竹粉湯

蜀中厚朴

碎錦坊

百年歌

夢青龍吐綦絰

白眼蜂

安石榴



嗜鴨腊

壬癸席

飲妓釵鈿以記意

沈秘景符

沙上玩味成詩

岑詩落齒

綠牝鞍

鳳眼寬

巨栗殼為盃

眉分九聚

洞天缺

賜成象殿茶果

夏雪價等金壁

蛙臺

棄官求道

携琴就松風澗響

出遊携圍碁短具

墨難減者萬金不換

收茶三等

笏囊笏架

徐峰善碁

瞬碧侯

錢龍宴

王武子好馬

鬻手校尉

剪刀麪月兒羹

方祿

大雅之文

二儀餅

槐膠彈子

酒神

九芒珠

石綠鏡臺

自課庵

澗明拜火


筆封九錫

墨封九錫

紙封九錫

硯封九錫

為花樹洗瘡止痛



卷之七

元白兩不相下

仙人栢葉書

家庭百品

硯中出白影珠

陳蕃待客

桂人好食蝦蟇

霜露能染紅蕖

蒲桃鬢

方囊盛金錢

千眼仙人卦東林寺

洛如花

虱念阿房宮賦

甲乙膏

魚脊出金釵

團沙捏成睡嵇康

樂音泉

石斧欲斫衛詩手

瀟水即君

徐鳳儀杖

劍生神芝天下曩

聚芳圖百花帶

李花如飛仙

起葉窻上

蜜浸烏梅解宿醜

榕粉

灰山

嗜蛤蜊

譚衣

三樣錢買二色酒

大笏中有眼睛

兩點螺磨紙

沈休文多病

盲郭璞


淨眼僧

竹節中神水

釀換骨膠

畏著藥

分香蓮



雪竹燈頭

過茶仙

焚社詩飲以膏蜜 藏盤筵於水底

七井生涼

卷之八

八角玉井

失去周字知磨為異

曲江春遊

毛詩卷染油代燭

眉睫間常化佛

好李花致富

一物如人眼睛

造笙

喬敷嗜魚

浮陽筍

瓜甲間皆出雲烟

石魚

王母惜李過蟠桃

重黎盞酌水

時元亨煉真

孫遜年好酒老不兼

王維居不容塵

磁石盃眼

魚喜鹿胎香

降魔寺僧以名召魚

并代人喜嗜麪

鶴識字

洗心糖

桃花綠

秘密泉

怯夜幡

魚鰲隨世安危


書冊以竹漆為糊

真脫絲布

酒中沐浴毛髮識味

龍口渠

口中現五色牙齒



李有九標

鼠精李

酒麤

品物互徵古事

卷之九

一歪菱三萬錢

心織筆耕

三斗爛腸

無腸公子

天鼓

斗盆燒乳頭香

猪肝中有識書

糠市

鎌擊南山樹

燕奴

金菜玉蔬

駭鷄犀

虎狼稱呼

普集癩穴

沒了期

斧中龍

金玉炊桂

釐婦

銅鶴鱗

麒麟檀

鶴鳴鷄樹

金剛舞夜叉歌

傳座

靈運鬚

拔釘錢

黃紙寫勅

鷓蚌

螳螂搏輪


鶴尾杓

喙長三尺手重五斤

鳩集鳳池

金祀玉階

寶苗



國立中央圖書館藏

築獮三尺

鬪綽入水

龍巢鬪

見李思戒

一步一計

通神錢

九花虬

上清珠

副急淚

五瓦館

烏龍

鬚髯如戟

田舍翁十斛麥

赤鳳凰

卷之十

蕤賓鐵

截輕溜鞭

蜂蝶慕香

自煖盆

遊仙枕

辟寒犀

喚鐵

冰山

花裙

風詠數澤

筆頭生花

百寶欄

吸花露

含玉嚙津

夜明珠

紫元

二鶻擲卵

山鷄自愛

天心月脇


茗戰

金鹿銀麕

溫柔鄉

六甲行厨

老子僕徐甲



NATIONAL CENTRAL LIBRARY, TAIWAN, R.O.C.

雲仙雜記目錄終

龍牀

九色鳳鷄

懷夢軒

青鶴

寶井

瓊厨金穴

流香渠

書倉

如願

金釐玉臉

閃電窻

雲仙雜記目錄終



雲仙雜記卷之一


唐金城馮贄編

幽人筆

司宮圖隱於中條山芟松枝為筆管人間之曰
幽人筆正當如是 汗湯錄

飛雲履

白樂天燒丹于廬山草堂作飛雲履玄綾為質
四面以素絹作雲朵染以四選香振履則如烟
霧樂天着示山中道友曰吾足下生雲計不久
上升朱府矣 樵人五說



雲仙雜記目錄終

龍牀

九色鳳鷄

懷夢軒

青鶴

寶井

瓊厨金穴

流香渠

書倉

如願

金釐玉臉

閃電窻

雲仙雜記目錄終



雲仙雜記卷之一


唐金城馮贄編

幽人筆

司宮圖隱於中條山芟松枝為筆管人間之曰
幽人筆正當如是 汗湯錄

飛雲履

白樂天燒丹于廬山草堂作飛雲履玄綾為質
四面以素絹作雲朵染以四選香振履則如烟
霧樂天着示山中道友曰吾足下生雲計不久
上升朱府矣 樵人直說



孫登琴

孫登琴遇雨必有響如刃物聲竟因陰雨破作
數截有黑蛟踊去金徽變化篇

茶聲與律呂相應

元顧本拱枰聲與律呂相應蓋用響玉為盤非
有異術也茶天洞覽

紅白二墨

楚王靈夔使人造紅白二墨為戲及書寫衣服
黑衣用白書白衣用紅書自成一家大府龍記

龍耳李

崔奉國家一種李肉厚而無核識者曰天爵乖
龍必割其耳耳血隨地故生此李琴莊美事

瑠黃椀


元載飲食珍物用瑠黃椀熱物用泛水瓷器器
有三千事出樞要錄

夢裁錦

蕭穎士少夢有人授紙百番開之皆是繡花又
夢裁錦因此文思大進出文筆襟賦

無塵子

方鎔隱天門山以梭擱葉拂書澆曰無塵子月



以酒脯祭之 出高士春秋

惜春御史

穆宗每宮中花開則以重頂帳蒙蔽欄檻置惜
春御史掌之號曰括香 玉塵集

黑松使者

元宗御案墨曰龍香劑一日見墨上有小道士
如蠅而行上叱之即呼萬歲曰臣即墨之精黑
松使者也凡世人有文者其墨上皆有龍窟十
二上神之乃以墨分賜掌文官出陶家餅錄事


柳神九烈君

李固言未第前行古柳下聞有彈指聲固言問
之應曰吾柳神九烈君已用柳汁染子衣矣科
第無疑果得監袍當以煮餒祠我固言許之未
幾狀元及第 出三峰集

六鼻鏡生雲烟

黃巢陷京城南唐王氏有鏡六鼻常生雲烟照
之則左右前三方事皆見王氏向京城照之巢
寇兵甲如在目前上卒都邑以映日紗囊取入
禁中 出纂異記

文星典吏



杜子美十餘歲夢人令采文于廉水覺而問人
此水在二十里外乃往求之見鶴冠童子告曰
汝本文星典吏天使汝下謫為唐世文章海九
雲詰已降可於五嶺下取南依其言果得一石
金字曰詩王本在陳芳園九夜捫之麟篆熟聲
振扶桑享天福後因佩入苑市歸而飛火滿室
有聲曰邂逅職吾令汝文而不貴 出文覽

玄山印記

陳茂為尚書郎每書信印記曰玄山典記又曰
玄山印搗朱製洗齋酒開則運以鎮犀卷以透

雲香印書達數十里香不斷印刻烟脂木為之
出玄山記

水玉數珠

房次律弟子金圖十二歲時次律徵問萬洪仙
錄中事以水玉一云水珠數珠手節之凡兩編
近二百事琅琅誦之不止次律賞以轉枝梨童
子通神集

為梨花洗粧

洛陽梨花時人多携酒其下白為梨花洗粧或
至買樹唐餘錄



籠桶衫柿油巾

社甫在蜀日以七金買黃兒米半籃細子魚一串籠桶衫柿油巾皆蜀人奉養之粗者 出浣花旅地志

石斧銘

玄針子得石斧銘曰天雷斧速文步跋石柱子如其言詩如蒸雲千步千首 清異志

棠木印

張寶凡衣服綵帛皆以所任官印之白黃物以墨紅黑物以粉常曰此印賢於掌庫奴逸矣文


字亦然人收寶文以有棠木印者為真 張寶錄印錄

鳳窠羣女

姑臧太守張憲使倡妓戴拂壺中錦仙裳窠粉淡粧使侍閣下奏書者號傳芳妓酌酒者號龍津女傳食者號仙盤使代書札者號墨娥按香者號扇姬掌詩葉者號雙清子諸倡曰鳳窠羣女又曰團雲隊曳雲仙 出姑臧前漢記

地仙圓

號州別駕寶肥以當婦為地仙圓曰使血海增



先以素木為杵白麵金剛骨出三堂律事

涼物

房壽六月名客坐糖竹簾凭狐文几編香藤為
粗剝椰子為盃搗蓮花製碧芳酒調羊酪造舍
風餅皆涼物也壽勸兵田以輓轆篋田懼其深
曰但見龍門溪水濯麴藥腸耳出叩頭錄

梅粧閣


郭元振落梅粧閣有婢數十人客至則拖鴛鴦
纈裙衫一曲終則賞以糖雞卵明其聲也宴罷
散九和握香出教聞錄

洛陽歲節

洛陽人家正旦造保雞葛燕粉荔枝正月十五
日造火蛾兒食王梁饒寒食裝萬花輿煮楊花
粥端午木菱艾酒以花絲樓閣插髻贈遺辟瘟
扇乞巧使蜘蛛結萬字造明星酒裝同心膾重
九迎涼脯羊肝餅佩屨木符冬至煎餛飩珠戴
一陽中除夜銅刀刻門埋小兒硯點水盆燈臘
日造腊花餽金門歲節

旃檀寺春秋二會

旃檀寺悟本詩春秋二會飲牛乳為龍華飯供



獻結絲錢為幡蓋設客以吳興齋團糟投戒者
施以般若錢求男者解密珠璫出僧園遠錄

搔首問青天

李白登華山落鴈峰曰此山最高呼吸之氣想
通天帝座矣恨不携謝眺鷲人詩來搔首問青
天耳

清高門戶

樂天語人曰吾已脫去利名枷鎖開清高門戶
但蓮龕子母丹不知何時可成自慶傳

干橋莊

裴令臨終告門人曰吾死無所繫但午橋莊松
雲嶺未成軟碧池鱗尾魚未長漢書未終為焉
可恨爾晉公遺語

養硯墨筆紙

養筆以礪黃酒舒其毫養紙以芙蓉粉借其色
養硯以文綾益貴手隔座養墨以豹皮囊貴手
遠濕逢溪子遵之文房寶飾

迷香洞

史鳳宣城妓也待客以等差甚異者有迷香洞
神鷄枕鑽蓮燈次則交紅被傳香枕八分羊下



列不相見以閉門羹待之使人致語曰請公夢
中來馮垂客于鳳聲囊有銅錢三十萬盡納得
至迷香洞題九迷詩于照春屏而歸常新錄

袖裏春

元宗為太子時愛妾獼鷯兒多從中貴董道遙
微行以輕羅造梨花散藥裏以月麟香獼袖裏
春所至晴遺之史諱錄

金鳳凰

周光祿諸妓掠髮用鬻金油傅面用龍消粉染
衣以沈香水月終人賞金鳳凰一隻傳芳略記

三賢松

朝真觀九星院有三賢松三株如古君子梁闈
老妓英奴以麗水囊貯香遊之不數日松皆半
枯事略

芋魁遭遇

李華燒三城絕品峽以龍腦裹芋魁煨之擊爐
曰芋魁遭遇矣三賢典故

山神以豐年相報

琴叟耕鳳嶺之田以虎紋巾裹犁推之曰勞吾
躬耕山神必以豐年相報已而果然鳳翔退耕



傳

縮龍臺

李神遇以根溪鐵造縮龍臺為宴燈花燈八層
間以三縫錦標點紫菱油燃風縷疑尚缺文出
据擬精華

吳興米

吳興米炊之甑香白馬豆食之苗醉翁圖夫人
厨吏鄧連以此米擣為透花餠以豆洗皮作重
沙臠以供翠鴛堂品物類聚記

掃露明軒

王施避葉冠入天台山主人賀理給以牛粥練
帚施謝曰公乃命司延我光景當為掃露明軒
永為下吏芳賢傳

吞雲夢澤

張曲江語人曰學者常想曾以吞雲夢澤筆頭
滂若耶溪量既并包文亦浩瀚留文玉井





雲仙雜記卷之二

田水聲過吾師丈人

淵明嘗聞田水聲倚杖夕聽歎曰秫稻已秀翠
色染人時剖曾襟一洗荆棘此水過吾師丈人
矣淵明別傳

龍鬚友

郗詵射策第一再拜其筆曰龍鬚友使我至此
後有貴人遺金龜并拔紫石簪咸與弟子曰可
市筆三百管退而藏之貯以文錦一千年後猶
當令子孫以名香禮之龍鬚志




雲仙雜記卷之二

田水聲過吾師丈人

淵明嘗聞田水聲倚杖夕聽歎曰秫稻已秀翠
色染人時剖曾襟一洗荆棘此水過吾師丈人
矣淵明別傳

龍鬚友

郗詵射策第一再拜其筆曰龍鬚友使我至此
後有貴人遺金龜并拔紫石簪咸與弟子曰可
市筆三百管退而藏之貯以文錦一千年後猶
當令子孫以名香禮之龍鬚志



NATIONAL CENTRAL LIBRARY, TAIWAN, R.O.C.



隱士衫

成芳隱麥林山剥苧織布為短襖寬袖之衣着以酤酒自稱隱士衫梁福廬陵記

俗耳鍼砭詩腸鼓吹

戴顯春撰雙柑斗酒人問何之曰往聽黃鸝聲此俗耳鍼砭詩腸鼓吹汝知之乎高隱外書

半月履

趙廷芝安成人作半月履數千紋布為之托以精銀鎮以絳蠟唐輔明過之奪取以貯酒已乃自飲廷芝問之荅曰公器四太微此履有滄海

之積耳妙豐居士安成記

菱角巾

王鄰隱西山頂菱角巾又嘗就人買菱脫頂巾貯之嘗未遇而歎曰此巾名實相副矣董慎縵

大鯉五色

孫願夜行橫塘見池中太魚映月吸水移時不去池外數步有一小坎正涵北斗有蝦蟇數十共來飲啜願異之明日沐池中惟有一大鯉身已五色復來坎所訪求蝦蟇得三足者數十焉



王雲金溪記

烟姿玉骨

袁豐居宅後有六株梅開時為鄰屋烟氣所爍
屋乃負人所寄豐即圖泥塞竈張幕蔽風火之
拆去其屋歎曰烟姿玉骨世外佳人但恨無傾
城笑耳即使妓秋蟾出比之乃云可與比驅爭
先勝脂粉之徒正當在後張洞林桂林志

口精

陸展郎中見楊梅嘆曰此果恐是日精然若無
蟾兒採香誰勝難和之味即以竹絲籃貯千枚

并茶花蜜送衡山道士 常奉真湖潭記

火筋如兩儀


朱符謂火筋如兩儀成變化不可缺一本明大
師在坐曰當以王為之貴能不焚 李明之衡山記

羔羊揮淚

程皓以鐵床燴肉肥膏見火則油焰淋漓皓戲
言曰羔羊揮淚矣又云我以三十萬錢償鐵匠
而得此奉養豈不太過方德遠金陵記

屋龍更衣

饒子卿隱廬山康王谷無瓦屋代以茅茨每年



一易茅謂之屋龍更衣或時雨濕致漏則以油
幄承梁坐於其下初不愁歎十三賢共注廬山

掌有卧蛇文

傳咸掌有卧蛇文指甲上隱起花草如雕刻是
以文章過人道遠公南康記

栗木為闕

凡門以栗木為闕者夜可以遠盜後容錄

九華半臂

闕文衍為散騎常侍畫九華山圖於白綾半臂
號九華半臂自云今吾此身常在雲泉之內時

遙青陽記

遷官面長額有光氣


郭汾陽每遷官則面長二寸額有光氣事已乃
復龐王書

壺中景

石崇砌上就苔蘚刻成百花飾以金玉曰壺中
之景不過如是耕桑偶記

辨琴秦楚聲

李龜年至岐王宅聞琴聲曰此秦聲良久又曰
此楚聲主人入問之則前彈者隴西沈妍也後



集
彈者揚州薛濤二妓大服乃贈之破紅綃蟾酥
麩龜年自負強取妍秦音琵琶捍撥而去辨音

臨光宴

正月十五夜元宗於常春殿張臨光宴白鷺轉
花黃龍吐水金鳥銀燕浮光洞攢星閣皆燈也
奏月分光曲又撒闌江錦荔支千萬額令宮人
爭拾多者賞以紅圈幘綠暈衫影燈記

水松牌

李白遊慈恩寺寺僧用水松牌刷以吳膠粉搽

乞新詩白為題說僧獻玄沙鉢綠英梅檀香葉


格蘭縑袴紫瓊霜海墨微言

泛春渠

汝陽王璣取雪夢石甃泛春渠以蓄酒作金銀
龜魚浮沉其中為酌酒具自稱釀王兼麴部尚
書醉仙圖記

百花獅子

曲江貴家遊賞則剪百花裝成獅子相送遺獅
子有小連環欲送則以蜀錦浹酥牽之唱曰春
光且莫去留與醉人看曲江春宴錄



桃花紙

楊炎在中書後閣糊窻用桃花紙塗以冰油取其明甚 鳳池編

酒器九品

李適之有酒器九品蓬萊盞海川螺舞仙盞獻子卮暢捲荷金蕉葉玉蟾兒醉劉伶東溟樣蓬萊盞上有山象三島注酒以山沒為限舞仙盞有闌板酒滿則仙人出舞瑞香毬子落盞外達原記

暖香滿室如春

寶雲溪有僧舍盛冬若客至則燃薪火暖香一炷滿室如春人歸更取餘燼 雲林異景志

啼猿生蕨


猿啼之地蕨乃多有每啼一聲運生萬莖 窮幽記

買春錢

進士不第者親知供酒肉費號買春錢 承平舊集

苦吟

孟浩然眉毫 一作毛 盡落裴祐袖手衣袖至穿



王維至走入醋甕皆苦吟者也詩源指訣

蝮龍牙

取蝮龍牙一枚手握之臨局自然機變橫出手

琴茶訣

碎金面棋盤

蘇尚書八十猶崇禪大瀉訪之以手拍碎金面
琴盤尚書尋有悟解舊相禪學錄

琴價與武庫爭先

嵇康抱琴訪山濤濤醉歎剖琴曰吾賣東陽獲
業以得琴乞尚書令河輪珮玉裁為徽貨所取

玉簾中單買縮絲為囊論其價與武庫爭先汝
欲剖之吾從死矣金微變化篇

圍碁奪造化


王勃圍碁率下四子成一首詩勃猶詭之向人
曰吾材奪造化雖一時之間百用亦可碁天洞

略覽

墨紋如履皮

墨紋如履皮磨之有油暈者一兩可染三萬筆
成老伯墨經

換茶醒酒



樂天方入關齊禹錫正病酒禹錫乃餽菊苗齋
蘆蕪鮓換取樂天六班茶二囊以醒酒蠻 甌老

腸胃文章映日

元稹為翰林丞告朝退行鐘廊時初日映九英
梅隙光射稹有氣勃勃然百僚望之曰豈腸胃
文章映日可見乎常朝錄

天峰煤與綾文刺孰勝

盧杞與馮盛相遇於道各携一囊杞發盛囊有
墨一枚杞大笑盛正色曰天峰煤和針魚腦入
金溪子手中錄離騷古本比公曰提綾文刺三

百為名利奴顧當孰勝已而搜杞囊果是三百

刺大唐龍髓記


粥飼鳩

簡先生坐琴莊食蘭香粥有鳩至塔上先生以
匙擲飼之漸進至肩遂盡此粥後日鳩以千百
至先生皆飼之琴莊美事

花簪壓損帽簷

梁緒梨花時折花簪之壓損帽簷至頭不能舉
祥雲志

非翡翠指環



何充妓於後閣以翡翠指環換刺繡筆充知嘆
曰此物洞仙與吾欲保長年之好乃令蒼頭急
以蜻蜓帽贖之粧樓記

赤將軍

哥舒翰有馬曰赤將軍翰愛之甚常以朝章加
其背曰過吾北林兒遠矣此駿材也馬癖記

地脂

高展為并門判官一日見砌間沫出以手撮之
試塗一老吏面上皴皮頓改如少年色展以謂
必神藥問承天道士答曰此名地脂食之不死

展乃發軔已無所覩方鎮編年

胡麻啖犬

以胡麻炒啖犬則光黑而駿使獵必大獲狐兔
又可得三十歲好事集

得意田

雲陽段氏值豐年則盡取金錢埋之九里皆滿
曰有得意田遂可棄無用金豐年錄



雲仙雜記卷之三


過門錢

龍山康甫慷慨不羈每日置酒於門邀留賓客
不住者贈過門錢日費酒者鶴觴餅二十枚
集

虞永興書

有人收得虞永興與圓機書一紙剪開字字賣
之蔡鄉一字得麻一斗鶴口一字得銅硯一枚
房村一字得芋千頭隨人好之淺深

一醉六日



2025 RELEASE UNDER THE NATIONAL CENTRAL LIBRARY, TAIWAN, R.O.C.



雲仙雜記卷之三


過門錢

龍山康甫慷慨不羈每日置酒於門邀留賓客
不住者贈過門錢日費酒者鶴觴餅二十枚
集


虞永興書

有人收得虞永興與圓機書一紙剪開字字賣
之蔡鄉一字得麻一斗鶴口一字得銅硯一枚
房村一字得芋千頭隨人好之淺深

一醉六日



2025 RELEASE UNDER THE NATIONAL CENTRAL LIBRARY, TAIWAN, R.O.C.



張麟一醉六日嚙柱幾半醉錄

起宅刷以醇酒

蓮花巷王珮起宅畢其門刷以醇酒更散香末
蓋禮神之至宣武盛車

題梁宇

范濟題聽事梁每宇以木花蓮承之歲旦一開
次日復上之河中記

郇公廚

韋陟厨中飲食之香錯雜人入其中多飽餒而
歸語曰人缺不飯筋骨舒寘緣須入郇公厨長

安後記

廁上以木湯盥手


陳宛盛其居止廁上以木湯盥手槐板覆蔽糞
穴為都城第一洛陽要記

書北山移文

樂天女金鑿十歲忽書北山移文示家人樂天
方買終南紫石欲開文士傳遂輟以勒之豐寧
傳

爭春館

揚州太守圃中有杏花數十啜每至爛開張大



宴一株令一倡倚其傍立館曰爭春開元中宴
罷夜闌人或云花有歎聲楊州事迹

薛家士風

成都薛氏家士風甚美厨司以半餽為杓子孫
就食蝦羹肉鬻一取之飯再取之蜀音錄

食蒲桃

楊炎食蒲桃曰汝若不減當以太原尹相授東備錄

梅聘海棠張子臣櫻桃

裴舉常云欲令梅聘海棠張子臣櫻桃及以茶


嫁笋但恨時不同耳然牡丹醑醺楊梅枇杷幸
為執友金城記

檜生藥園

幽燕思仙驛後有五樹檜忽生藥園試摘服之
往往療疾有驗幽燕記異

過廳羊

熊羆每會客至酒半階前放殺羊令衆客自割
隨所好者綵綿繫之記穉畢蒸之各自認取以
副竹刀切食一時盛行獮過廳羊青州樓記
軟漆纏桑枝為籬障



杜勝宅以軟漆纏桑枝編為籬障雨一過黑光
照四面時通甫愛之欲以銅官茅取不應 鄴郡
名錄

嚼鷄舌香

飲酒者嚼鷄舌香則量廣浸半天回則不醉酒
中玄

能詩

能詩之士兩泡滅則得意香烟斷而成今白氏
金鎖

朱書禹字渡江河

渡江河者朱書禹字佩之免風濤保字
記

畫數天星徧知碁勢


人能畫數天星則徧知碁勢 止戈集

雌雄樹

九仙殿銀井有梨二株枝葉交結宮中呼為雌
雄樹 全鑿密記

作詩如繡花

作詩如繡花女令龍絡枝葉而已無過不及乃
善 鍾味句眼



化玉膏

衛玠盥面用化玉膏及芥泥鼓色愈明潤終不
枯槁金臺錄

貯蘭蕙

玉維以黃磁斗貯蘭蕙養以綺石累年彌盛汗漫錄

百齒椽

孫思邈以交加木造百齒椽開之養生要法也
樵人直說

科斗筋魚尾匙

向範待客有漆瓦盤科斗筋魚尾匙樵要錄

唾地成文


有人謁李賀見其久而不言唾地者三俄而成
文三篇文筆襟喉

菖蒲當拜此君

王徽之以菖蒲映竹曰菖蒲止以九節為貴而
此君面目聳然正當再拜此君而此君亦安得
不受之耶高士春秋

界尺筆槽

有借界尺筆槽而破其槽者白其主人曰韓直



木如常孤竹君無恙但半面之交忽然折節矣
主人大笑 王塵集

犀如意

虞世南以犀如意爬癢久之歎曰妨吾聲律半
工夫 餅餘事

萱草浣衣

鄭源令婢萱州浣衣萱草輒云郎君塵土太多
令人手皮俱脫 三峰集

席毛紅管筆

有僦馬生甚貧遇人与席毛紅管筆一枚曰既


須但呵筆即得之然夫妻之外令一人知則
矣時方盛行凝烟帳風篁扇皆呵而得之一日
晚思免頭羨連呵處得數盤夫妻不能盡以與
鄰家自是筆雖存呵之無應 纂異記

一詩輒洗其筆

白傳每一詩輒洗其筆 文覽

句中喜得魚竹

孟浩然一日周旋竹間喜色可掬又見網師得
魚尤甚喜躍友人問之荅云吾適得句中中有魚
竹二物不知竹有幾節魚有幾鱗疑致疎謬今



見二物乃釋然矣 山記

洪兒紙

姜澄十歲時父若無紙澄乃燒糠協竹為之以供父澄小字洪兒鄉人稱洪兒紙 童子通神錄

束脩羊

倪若水藏書甚多列架不足壘牕安置不見天日子弟直日看書借書者先投束脩羊 應錄

惠一絲兩絲

杜南寓蜀每蠶熟即與兒躬行而乞曰如或相憫惠我一絲兩絲 浣花旅地志

蕪成金釵


王鯨逢賣蕪媵黃衣破結有饑色憫之乃以千錢買蕪媵謝而去及婦蒸于烏頭甌盡成金釵蓋媵非常人也 清異志

鷄鴨卵殼

張寶嘗使子弟巡市乞鷄鴨卵殼鷄卵以煮藥鴨卵以金絲縷海棠花名鮫胎蓋醉後畏酒時多用之 誌印錄

八梭綾

鄴中老母村人織綾必三交五結號八梭綾匹



直米陸筐 撝拾精華

染花奩

郭代公愛姬薛氏貯食物以散風奩收粧具以染花奩 品物類聚記

文享媚香無忝

張說攜麗正文章謁友生時正行宮中媚香號化樓臺友生焚以待說說出文置香上曰吾文享是香無忝 徵文玉井

少延清歡

陶淵明得太守送酒多以春秫水雜投之曰少

延清歡數日 淵明別傳

筆文章貨

羅隱喜筆工羨鳳詔之曰筆文章貨也吾以一物助子取高價即贈鴈頭牋百幅士夫聞之懷金同價或以絲羅大組換之 龍嶺志

降龍道者

戴顓見降龍道者曰生死外人願陳三拜獻護經簾青銅磬 芳賢傳

何徵君隱吳郡

多遊臨華寺九金堂飲鹿塘靈



寶院涵星澗高隱外書

西昌逸士

卽詠隱西昌採樵為業或擔至都中人買之則曰我西昌逸士酒中人也今獻公所闕公當惠我所好廬陵記

享鹿肉

黃昇日享鹿肉三斤自晨煮至日影下門西則喜曰穴候足矣如是四十年安成記

獵蠅記室

廬記室多作脯腊夏則委人於十步由扇上塗


錫以搽蠅脯以青紗障隱塵土時人呼為獵蠅記室金溪記

種蔬助品俎

宋宇種蔬三十品時雨之後按行園圃曰天黃此徒助予品俎家復何患務章記

蓄鴨

富楊連蓄鴨萬隻每飼以米五石遺毛未復渚桂林記




雲仙雜記卷之四

石鼈銜賦題

高邗夜課于豐亭忽見一鼈在案上視之石也
鄧異其事取千題散置楮中禱祝令石鼈銜之
以下未事既而石鼈舉頭乃是沙洲獨鳥賦題
出果然其年首選 湘潭記

自負書劍

凌倚隱衡山往來自負書劍削竹為擔裹以烏
氈倚既死山僧取以供事衡山記
松精成使者



仙雜記 卷之三

九



2025 RELEASE UNDER THE NATIONAL CENTRAL LIBRARY, TAIWAN, R.O.C.


雲仙雜記卷之四

石鼈銜賦題

高邗夜課于豐亭忽見一鼈在案上視之石也
鄧異其事取千題散置楮中禱祝令石鼈銜之
以下未事既而石鼈舉頭乃是沙洲獨鳥賦題
出果然其年首選 湘潭記

自負書劍

凌倚隱衡山往來自負書劍削竹為擔裹以烏
氈倚既死山僧取以供事衡山記
松精成使者



2025 RELEASE UNDER THE NATIONAL CENTRAL LIBRARY, TAIWAN, R.O.C.



茅山有野人見一使者異服牽一白羊野人問
居何地曰儼蓋山隨至古松下而沒松形果如
儼蓋意使者乃松樹精羊乃茯苓耳金陵記

龍窠石

中山僧表堅面多癩痕偶浮中得石如鷄子夜
覺涼冷信手磨面癩痕盡滅後讀博異志曰龍
窠石磨瘡癩大效廬山記

召客念無魚

蘓轍卽中召客無魚念曲江多有而禁釣乃令
掌吏用油幕偷數頭適濟其事太平舊案

金雞抱卵時

封少卿問禪於龍華厚崇師曰金雞抱卵時如
何少卿歸而默坐三年不能領解至于發狂而
死禪學錄


胡松卽支琴

白傳用胡松節支琴金微變化篇

竊嚙碁子

李杓直與人碁而敗乃竊數子嚙之尋問乃鼓
局大怒碁天洞覽

墨染紙不昏



墨染紙三年字不昏暗者為上 成老相墨徑

茶燠縛奴投火

陸鴻漸採越江茶使小奴子看焙奴失睡茶燠
爍鴻漸怒以鐵錘縛奴投火中蠻語志

袖餅班中

于琮班中有時袖餅而食或以遺同列 常朝記

石蓮匣

許芝有妙墨八厨巢賊亂瘞于善和里茅草平
取之墨已不見惟石蓮匣存焉大曆龍龕記

鵝齋

簡先生上隱亭望九里山七日不能下但食糝
齋二十段琴社雜事

粉指印青編


徐州薛尚書妙女多涉獵人有借其書者往往
粉指痕並印于青編粉樓記

一里二馬

校書郎李蟠善馬共多出遊則一里更二馬借
獵供應可逮十家馬癖記

旋風筆

魏博田承嗣簽治文案如涑水夾人私相謂曰
雲山筆也卷之二



世罕有此旋風筆方鎮編年

贈相得以鳩

毛傳好食鳩人與已相得者必以鳩贈之一見

李翱贈十二盤好事集

物價至微

開成中物價至微村落買魚肉者俗人買以明
絹半尺士大夫買以寫天詩一首兼與之豐年

夜飛蟬

杜甫每朋友至引見妻子韋諷御見而退使其

婦送夜飛蟬以助妝飾放懷集

義之鬼

虞世南書冠當時人謂其有義之鬼字錦

竹枝曲

張旭醉後唱竹枝曲反復必至九回乃止醉錄


却老先生

王僧虔晚年惡白髮一日對客左右進銅鑷僧

虔曰却老先生至矣庶幾乎南康記

小兒司命

郭汾陽語子弟曰西陽廉寶方小兒之司命不



可不讀從容錄

青蠅拜賀

術士相牛僧孺若青蠅拜賀方能及第公疑之
及登科訖歸坐家庭有青蠅作八行立約數萬
折躬再三良久乃去青陽記

葬得石牌

烏重胤葬先世墓得石牌有云牛領圖前紅簾
隴下菜用丙日手板相亞重胤依而用之隴上

貧賈而圖婚


白厚貧而圖婚娶劉純材女厚送烏端十事
紙為書純材大笑答以象田珠十升紫綺千餘
頭及使家僮撒蠟花盈路序閉門大飪賓客走
云耕桑偶記

以海駁皮為鼓

凡鼓以海駁疑是鼓字皮為之涯以象骨則雄
而清用雜皮則濁而易散云音集

二元影燈

洛陽人家上元以影燈多者為上其相勝之辭
曰千影萬影又各家造羊郎君食之宜男女仍



云送鷄肉酒用六木餅貯之於親知門前留地
而去燕燈記

軟素饅

宣德寺每求化人先留食軟素饅柳尚書來方
食饅袖跡欲出尚書急解蓮帶緋袍鑊子魚袋
施之漢墨敬言

富補花

花定與友生遊曲江以千金募人竊貴侯亭榭
富補花插帽兼自持任綺羅叢中費之士女爭
金錢又各以錐刺插孔中者罰巨觥不

中者得美饌曲江春宴錄

酒窟


蘓晉作曲室為飲所名酒窟又地上每一博鋪
一甌酒計甌約五萬枚晉日率友朋次第飲之
取盡而已醉仙圖記

詩成裁窻紙

段九章詩成無紙就窻裁故紙連綴用之九章
字惠文遜原記

白羊糝點芳草

午橋莊小兒坡茂州盈里晉公每使數羣白羊



散于坡上曰芳草多情類此妝點也窮幽記

浮萍為鴨作茵褥

浮光多美鴨太原少壯樊千里買百隻置後池
載數車浮萍入池使為鴨作茵褥志

自為小君裁剪

李紳為相時俗尚輕綺染燕碧為婦人衣紳自
為小君裁剪鳳池編

貴家棋子

開成中貴家以燕檀心瑞龍腦為碁子棋譜

弄韻蘆成詩

王筠好弄拍蘆每吟詠則注水於韻傾已復注
若擲之於地則詩成矣詩源指訣

好讀離騷


錢若士好讀離騷手不暇揭忘去向味半月如
齋姑臧記

按花浸酒

楊恂過花時然花下取藥粘綴于婦人衣上微
用蜜蠟兼按花浸酒以快一時之意三堂往事

挑野蔬

郭元申家貧無食春月携兒挑野蔬一日有餘



三日不出 叩頭錄

簇酒

辜洞好酒而無資常携榼登人門每家取一盞
投之甕為釀酒 叙開錄

祭詩以酒脯

賈島常以歲除取一年所得詩祭以酒脯曰勞
吾精神以是補之 金門歲節

礮磨齋

都下寺院每歲用除礮磨是日作礮磨齋 備開

飲水

伊處士從衆人求尺寸之帛聚而服之名曰飲
水 轍者集


凌虛宴

齊文宣帝凌虛宴取香菌以供品味廣唐則出
於石首銅官等處銅釘菌分綠菌 自慶傳

桃花醋

唐世風俗貴重劫盧藉桃花醋熬水油 晉公遺

鐵肝籠首



毛惠教被於導江春日主人宴之賦讚語曰蟻
肝之奉何堪龍首之攀可望主人吾勸以陸
源銷賞以柳綿肝文房寶飾

雲仙雜記卷之五

筆描窻竹影


宗測樂閑靜好松竹嘗見日篩竹影上窻以筆
備描之常新錄

糖蜜莫逆交

陳昉得蜀糖輒以蜜澆之曰與蜜本莫逆交傳
芳略記

風月常新印宮人臂

明皇開元初宮人被進御者口印選以綢繆記
印于臂上文曰風月常新印畢漬以桂紅膏則



毛惠教被於導江春日主人宴之賦讚語曰蟻
肝之奉何堪龍首之攀可望主人吾勸以陸
源銷賞以柳綿肝文房寶飾

雲仙雜記卷之五

筆描窻竹影


宗測樂閑靜好松竹嘗見日篩竹影上窻以筆
備描之常新錄

糖蜜莫逆交

陳昉得蜀糖輒以蜜澆之曰與蜜本莫逆交傳
芳略記

風月常新印宮人臂

明皇開元初宮人被進御者口印選以綢繆記
印于臂上文曰風月常新印畢漬以桂紅膏則



水洗色不退史諱錄

念金輪呪

敲兩耳鐺服桂心丸念金輪呪則所思之人不以存沒是夜必夢見之事略

水晶環渡舟

蕭整嘗登陸渾沙洲忽水漲不得下急呼村童折塵尾水晶環与之渡舟而過三賢典故

鳴牙餅

許康年謂劉豎贈豎鳴牙餅十枚曰雖微物也遊屬中兩日之費退耕傳

棠棣之好

李初直遇與人相知則曰棠棣之好何以過此喜慶倍常敘聞錄

金蘭簿


戴弘正每得蜜友一人則書于編簡焚香告祖考號為金蘭簿宣武盛事

鴨卵成花

向聲能於鐺中以手撥鴨卵成花河中記

燭圍

韋涉家宴使每婢執一燭四面行立人呼為燭



園長安後記

宴客典斟

陳無咎宴客一客用一婢典斟又十二斟而後使滿以盡說敬之道

金牌盈座

河間王夜飲奴子誼繫一四下一金牌席終金牌盈座

聚香團

揚州太守仲端良妻不敢延客謝廷皓謁之坐久饑甚端入內袖聚香團啗之揚州事並

待闕駕鸞社

朱子春未婚先開房室帷帳甚麗以待其事夢人謂之待闕駕鸞社

笑春紅


閩州叅軍黃涉婢曰啖春紅死涉念之淚洒犀簾至皆損壞

二花

阮文姬插髮用杏花陶濤公呼曰二花

三鹿郡公

錄



表利見為性須獮方常謂表生已封三鹿郡公
蓋譏其太齷踈也 出燕記

崑崙玉盞

宇文卓方執崑崙玉盞聽左丞檀超高談不覺
隊也 青州雜記

坐間牡丹花

宋旻語常帶華藻李孺安曰時方三月坐間生
無數牡丹花矣 鄭郡名錄

柱鶴喚歸

石誼未娶聞柱鶴喚歸歎曰此物催人使歸使

我何所歸耶 金臺錄

遇河神


顧希微開成二年遇河神屈吳多曰更二千年
大江所在堤岬當崩沙九里 禹功記

口吻生花

張祐苦吟妻孥喚之不應以責祐祐曰吾方口
吻生花豈恤汝輩 白氏金鏡

贈詩勝爛黃魚

皇甫彙謁韓愈愈贈以詩彙退有言怒愈不為
置酒愈曰豈不勝以爛黃魚待汝耶 續鍾鼎句



眼

折筋不休

山濤酒後嘔啜折筋不休 酒中玄

防風術

白居易在翰林賜防風粥一甌別取防風得五

合餅食之口香七日 金鑿密記

食蠅蟬

鹿宜孫食蠅蟬後於壽陽筮中頓進數罷 止戈

集

羣公對雪

羣公對雪尚隆之曰麩堆金井誰調湯餅吳永
素曰玉滿天山難刻珮環坐間眼其韻精姑臧

記


屋瓦管鏤

余宗伯屋瓦皆鏤竅穴千百兩則散如真珠用
陳留瓦則堅而易鏤 三堂往事

三年不見羊角

皮著去北而復來鄱陽食竹筍曰三年不見羊
角哀矣 叩頭錄

採星盆



稭昌蓄採星孟夏月漬果則倍冷叙聞錄

作剪刀

姑園鐵作剪刀以首着根粉養之裁衣則盡成

墨界不用人手而自行掃者集

左撫中扶面

陽華用左撫中扶面倍有光彩自慶傳

碑石

李輔國葵父碑石用豆腐一千團磨瑩如紫玉

碑字四面鐫葵花三百朵晉公遺語

漬紙

以竹梢甘露和天南星漬紙一宿裁之刀去如

飛文房寶錄

除夜歎老

裴度除夜歎老迨曉不寐爐中商陸火凡數添

也金門歲節

印普賢象

玄裝以回鋒紙印普賢象施于四衆每歲五馱

無餘僧園逸錄

三辰酒

玄宗置麴精潭砌以銀軌泥以石粉貯三辰酒



一萬車以賜當制學士詩史諱錄

桑木根可作沉香想

裴休得桑木根曰若作沉香想之更無異相雖對沉水香反作桑根想終不聞香氣諸相從心起也常新錄

皂蓋能與日輪爭功

韓愈刺潮州嘗暑中出張皂蓋歸而喜曰此物能與日輪爭功豈細事耶傳芳略記

雷門四老石

王維輜川林下坐用雷門四老石燈滅則石中

鑄火事略

握麥芒刁字


牛僧孺進士時常握麥芒刁字有繆誤隨手割點定三賢典略

麒麟草

元和時館閣湯飲待學士者煎麒麟草鳳翔逸耕傳

魚藻洞

魚朝恩有洞房四壁夾安瑠璃板中貯江水及萍藻諸色蝦蟆魚藻洞南康記



鼻出黃膠

賀知章忽鼻出黃膠數盃醫者謂飲酒之過從容錄

數米而食

沈休文羸劣多病日數米而食羹不過一筋青陽記

廬墓日影為之不移

鄧宮廬墓墳土未乾日影為之不移龐上記

餵牛以天麻飯

青齊間遇春耕則飼牛以天麻飯仍用錦縷繫

于角上 耕桑偶記

高麗絲結


張灼妓多麗禪琵琶曲頂上有高麗絲結趙詩
爭奪致傷二指 舞音集

元夜食牛肺犯天樞使

梁鄴上元後忽髮變如血卜曰元夜食牛肺犯天樞巡使夜行禱謝可免影燈記

菖蒲成獅子鸞鳳狀

僧普寂大好菖蒲房中以菖蒲種成獅子鸞鳳仙人之狀 海墨微言



鴨肝豬肚

王縉飲酒非鴨肝豬肚筋輒不舉醉仙園記

吞花卧酒

虞松方春以謂握月捲風且留後日吞花卧酒不可過時曲江表堂錄

遮椿不染風

盧携夢人贈句曰若問登庸日遮椿不染風一不解其言後數年携拜相遮下古椿一株雖風驟雨不濕不搖風池編

屋竅如七星

鄭廣文屋室破漏自下望之竅如七星蓬原記

日用斗麩為糊以供絨封

順宗時劉禹錫干預大權門吏接書尺日數千禹錫一一報謝綠珠盆中日用麩一斗為糊以供絨封宣武盛事

麩如素核而中空

楊珽游王鉞家食一物如素核而中空其實麩也埏詢其法鉞笑而不言河中記

雲仙雜記卷之六

讀書數真珠以記

于授幼時家以綠真珠勝為簾押授讀書數有云
珠以記日輒一遍長安後記

竹粉湯

夏侯鉞謁盧懷慎坐終日得竹粉湯一盃洛都
要記

蜀中厚朴

蜀中厚朴若酒後來之紫色蕩散用輒無力窮
曲記

RESEARCH NATIONAL CENTRAL LIBRARY, TAIWAN, R.O.C.



晉公午橋莊有文杏百株其處立碎錦坊曹林

異景

碎錦坊

百年歌

李觀作百年歌王湜請其法觀向湜禪指曰遺子爪甲清塵庶幾文思有加詩源指訣

夢青龍吐茶經

王積薪夢青龍吐茶經九部授已其藝頓精出茶訣

白眼蜂

蠶退之後多為乾腊貨之開元中春末兩市多白眼蜂如山市人以此卜絲帛之豐歎豐寧傳

安石榴


李漢碎胡瑪瑙盤盛送王莒曰安石榴莒見之不疑既食乃覺楊州事述

嗜鴨腊

彭几嗜鴨腊未曝前三日置鎮石之下時所共服蜀音錄

壬癸席

申王謂猪既供滄不宜處於穢處乃以穩龕粟



羽待之取其毛刷淨令巧工織于葵席滑而且涼
河東備錄

餘諸妓釵鈿以記意

金城多美妓賀蘭劍曰吾既臨人私情難展遇宴飲則斂奪諸妓釵鈿退以記意
金城記

沈秘景符

禹導河之際沈秘景符以鎮五千之水患後人賴焉
禹功記

沙上玩味成詩

宗元吟春水知藍詩久之不成乃取九脚床

於池邊沙上玩味終日僅能成篇
白氏金鎖

吟詩落齒


謝靈運半日吟詩百篇頓落十二齒
續鐘味句

綠牝鞍

處士富麟翁從縣令蒞通源游蘭居寺通源給以綠牝鞍
幽燕記異

鳳理

龍道千十室于積玉坊編藤作鳳眼寬支床用薛荔千年根炊飯洒沈水香浸酒取山鳳髓百



飛燕

臣栗殼為盃

鄴中產巨栗脫其殼可以為盃鄴郡名錄

眉分九聚

朱泚眉分九聚相者告以大貴泚信之金臺錄

洞天餅

蒲國夫人就屋梁上懸鹿腸於半室筵宴則使

人從屋上注酒於腸中結其端飲則解開注

于盃中號洞天聖酒將軍又曰洞天餅酒中玄

賜成象殿茶果

金鸞故例翰林當直學士春晚困則日賜成象

殿茶果 金鸞密記

冰雪至夏價等金璧

長安冰雪至夏月則價等金璧白少傳詩名動

於閭闔每需冰雪論筐取之不復償價日人如

是止戈集

蛙臺


桂林風俗日日食蛙有來中朝為御史者朝士

戲之曰汝之居非為臺乃蛙臺也御史荅曰此

非蛙名圭虫而已然較圭虫之奉養豈不勝於

雲山雜記

四二 二百五十七行



黑面卽我黑面卽謂猪也朝士大赧而退承子
蕭纂

棄官求道

丁繫自尚書卽崇靈度禪師棄官修道日食糜
粟二升諸僧鉢水一盃夏月夜禪雖飛蚊啞食
終不搖動坐夏既滿面為破爛蕭相禪學錄

携琴就松風澗響之間

段由夫携琴就松風澗響之間曰三者皆自然
之聲正合類聚羊曇節以金縷羊要之曲終不
去舍微變化篇

出遊必携圍碁短具

王績薪每出遊必携圍碁短具畫紙為局與碁
子并盛竹筒中繫于車轆馬鬣間道上雖遇匹
夫亦與對手勝則微餅餌牛酒取飽而去碁天
洞覽

墨難減者萬金不換

凡墨日用之一歲磨減半寸者萬金不換然至
難得或先相墨紐

收茶三等

覺林院志崇收茶三等待客以鶻雷莢自奉以



萱草帶供佛以紫茸香蓋最上以供佛而氣下
以自奉也客赴茶者皆以油囊盛餘瀝以歸蠻
醜志

笏囊笏架

會昌以來宰相朝則有笏架入禁中逐門傳送
至殿前朝罷則置於架上百寮則各有笏囊親
吏持之常朝錄

徐峯善茶


徐峯善茶殿成式款盡窮其術峯曰子若以是
後視與我當使子過我十倍大唐龍龕記

擘碧侯

琴柱有溶溶軒軒前皆池地也度池得回節磴
上自在峯蘭先生日往峯上採巖巖生九股以
釀醋異常守臣取進之封峯曰擘碧侯出琴莊
美事

錢龍宴

洛陽人有效樂者三月三日結錢為龍為簾作
錢龍宴四圍則撒真珠厚盈數寸以斑螺令妓
女酌之仍各具數得雙者為吉妓乃作雙珠宴
以勞主人又各令作錫緩帶以一丸錫舒之可



長三尺者賞金菱角不能者罰酒莊樓記

王武子好馬

王武子好馬非馬不行正旦則柳葉金障泥上元則滿月鬚清明則剪水鞭重午則龍矯鞞八月中秋則玉梳控絡頭重陽則蟬兒鞞春秋社則塗金鞞冬至則嘶風鞞除日則藥王鞞每節日則餵馬以明紗豆蒿薇草馬癖記

鸞手校尉

錢銀鎮吳越尊賢渴士使名畫工二三十人在松江號爲手校尉向北方士子流移來者咸寫

鷄以聞擇清俊福厚者用之胡岳方渡江画工以貌奏鏤見之歎曰面有銀光奇士也即時台見方鎮編年


剪刀翹月兒羹

柳公權以隔風紗作龍城記及入朝名品號錦樣書以進上方御剪刀翹月兒羹即命分賜出字錦

玄祿

老子始生其母名之曰玄祿集真記

大雅之文



柳宗元得韓愈所寄詩先以薔薇露灌手薰玉
麝香後叢讀曰大雅之文正當如是好事集

二儀餅

開元中長安物價大減而市賣二儀餅一錢數
對胡莢炙十金一棹豐年錄

槐膠彈子

李少微子女頗多每朝退於亭榭散槐膠彈子
數百枚令諸小兒爭取之以為戲笑終日不倦
歲已復收于篋懷集

酒神

酒席之士九吐而不減其量者為酒神醉錄

九芒珠

王武子以九芒珠穿為絢索編華架用之每月
洗以鯉魚涎据拾菁華

石綠鏡臺

張燕公有石綠鏡臺得自明川道士玄宗聞其
有異取以精啜十車燒之不變乃已類聚記

自課庵

全子栢每為文則入自課庵一文必三草及十
年之後悟其淺近必盡付於火生平凡三焚文



集 徵文 王 井

淵明拜火

陶淵明日用銅鉢煮粥為二食具遇發火則再拜曰非有是火何以充腹淵明別傳

筆封九錫

薛稷為筆封九錫拜墨曹都統黑水郡王兼毛州刺史龍續志

墨封九錫

稷又為墨封九錫拜松燕督護玄香太守兼毫川諸郡平章事是日墨吐異氣結成樓臺狀諸

雲仙雜記卷之七

元白兩不相下


元微之白樂天兩不相下一日同詠李花微之先成曰葦銷開萬朵樂天乃服綃練也葦白而綃輕高隱外書

仙人栢葉書

郭天民巧思橫生能摺書簡及覆如栢葉狀鄉人謂之仙人栢葉書安成記

家庖百品

張元序家庖百品日日不變有蔡熾缸二千盛



集 徵文 王 井

淵明拜火

陶淵明日用銅鉢煮粥為二食具遇發火則再拜曰非有是火何以充腹淵明別傳

筆封九錫

薛稷為筆封九錫拜墨曹都統黑水郡王兼毛州刺史龍續志

墨封九錫

稷又為墨封九錫拜松燕督護玄香太守兼毫川諸郡平章事是日墨吐異氣結成樓臺狀諸

雲仙雜記卷之七

元白兩不相下


元微之白樂天兩不相下一日同詠李花微之先成曰葦銷開萬朵樂天乃服綃練也葦白而綃輕高隱外書

仙人栢葉書

郭天民巧思橫生能摺書簡及覆如栢葉狀鄉人謂之仙人栢葉書安成記

家庖百品

張元序家庖百品日日不變有蔡熾缸二千盛



貯皆滿梁福盛陵記

硯中出白影珠

鹿道昌因雨置龜頭硯於簷下承溜以滌之俄而滴破硯中出白影珠十顆有患目者煮珠水洗之皆愈

陳蕃待客

陳蕃待客持飯以鹿脯芼菜以牛脯未嘗別為異饌

桂人好食蝦蟆

桂人好食蝦蟆仍重乾菌為糝赴食者至以餘

粗包婦遺兒女雖汚衫不耻

張洞林桂林志

霜露能染紅紫

魏管山霜可染紫白庶潭露能染紅為天下冠恨人無知者常奉真相譚記


蒲桃髻

小兒髮初生為小髻十數其父母為兒女相勝之辭曰蒲桃髻十穗勝五穗

李明之衡山記

方囊盛金錢

富人賈三折夜以方囊盛金錢於腰間微行市中買酒呼秦聲女置宴方後遠金陵記



千眼仙人赴東林寺

廬山遠法師命畫之日山中峰澗寺落皆見千
眼仙人成隊執幡幢香花赴東林寺法師死乃
止十三賢共注廬山記

洛如花

吳興山中有一樹類竹而有實似莢狀鄉人見
之以問陸澄澄曰名洛如花都有文士則生統
寶祐印壽

風念阿房宮賦

揚州蘓隱夜卧聞被下有數人齊念阿房宮賦


靡繁而小急開被視之無他物惟得虱十餘其
大如豆殺之即止清異志

甲乙膏

蜀人二月好以致雜黃牛肉為甲乙膏非尊親
厚知不得而預其家小兒三年一享浣花旅地
志

魚脊出金釵

寶曆中酉陽人見釣魚師有魚腦貫黃文愛而
買歸食至脊上出金釵一隻長六寸唐錄異
團沙捏成睡嵇康



房瑄少時曾至洲渚上圍沙捏成睡愁康甚有
標態見者多愛之

童子通神錄

樂音泉

強村有水方寸許人欲取之唱浪淘沙一曲即
得一盃味大甘冷村人因名曰樂音泉

玄山記

石斧欲斫斷詩手

杜甫子宗武以詩示阮兵曹兵曹荅以石斧一
具隨使并詩還之宗武曰斧父斤也兵曹使我
呈父加斤削也俄而阮聞之曰誤矣欲子斫斷
其手此手若存天下詩名又在杜家矣

山文贊

清水郎君

司馬伯殊買得鴨卵一枚非常珍重夜猶未食
夢曰此卵乃徐龍幼子清水郎君也不殺將富
殊乃放之

三峯集


徐鳳儀杖

徐鳳儀有一杖直如筆管其後每年生一節二
十年每年縮一節三月則杖之四面青赤白黑
各開一花不知何木也

陶家辨餘事

劍生神芝則天下晏清

戎都朱善存家世寶一劍每生神芝則天下晏



清如安史黃巢之亂劍皆吐黑烟屬天不差毫厘
王座集

聚芳圖百花帶

宗測春遊山谷見奇花異草則係于帶上婦而
圖其形狀名聚芳圖百花帶人多效之高士春

李花如飛

伍貫卿居沅陵家有李花一株月夜奴婢遙見
花作數團如飛仙狀上天去花上露水條然作
雨數千點花則亡矣樞要錄

起藁窻上

江摠為文次至吟詠得意則起藁於窻上不堪
示則投置酒中久而文遂工矣文華襟袖

蜜浸烏梅解宿醒

陳永陽王宿醒未解則為蜜浸烏梅每啖不下
二十枚清醒乃已樵人直說

榕粉

小兒瘡痂以榕粉日傅之則易瘡而無痕出汗
湯錄

灰山

雲山集卷之二



無棣有灰山山南有石竅其中二麥無數取之
不極三賢典略

嗜蛤蜊

吐突承瓘嗜蛤蜊炙以鐵絲床數澆鹿角膠然
後食傳芳略記

譚衣

穆宗以玄絹白書素紗墨書為衣服賜承幸宮
人皆濫鄙之詞時號譚衣至廣明中猶有存者
史諱錄

三樣錢買二色酒


西門季玄造二色酒白酒中有黑花斟於罍中
花亦不散其中有肝石故也崔道旅以金銀銅
錢來酤曰以我三樣錢買君二色酒欲辭得乎
常新錄

大筍中有眼睛

裴晉公於藍田得一大筍破之有三四眼睛而
香美過甚乃與曾序分食之晉公遺語

雨點螺磨紙

治紙之昏而不染墨者用雨點螺磨紙左右三
千下其病去矣文房寶飾



沈休文多病

沈休文多病六月猶綿帽温爐食薑椒飯不爾
則委頓自慶集

盲郭璞

路巖幼病有人稱善醫禳之術巖用之不效歎
曰此盲郭璞也搔音集

淨眼僧

傳法寺淨眼僧能用藥煮烏頭施人治百疾皆
驗又以穢跡呪治疔破鐵城偈除鬼崇數無不
捷僧園逸錄

竹節中神水


重午日午時有雨則急斫一竿竹竹節中必有
神水瀝取和獺肝為圓治心腹塊脹等病出金
門歲節

釀換骨醪

憲宗采鳳李花釀換骨醪晉國公卒淮西四黃
肥金餅賜二斗 叙間錄

畏薯蕷

李輔國大畏薯蕷或人因以示之必眼中火出
毛髮皆瀝血因致大病叩頭錄



分香蓮

二堂使宅有鈎仙池一種蓮子一歲再結實子
十隻其花時香兼桃梅茉莉郡人傳分香蓮不
論錢二堂程事

雪竹搔頭

趙綸妻死遺雪竹搔頭於階下不數日化為楊
梅花朵如撒時人異之姑臧前後記

遇茶僮

下子京遇茶仙束帶拜金鑄紫堂仙何坐於席
上勝克之利萬不失一手祭茶訣

焚杜甫詩飲以膏蜜


張籍取杜甫詩一帙焚取灰燼副以膏蜜頻飲
之曰今吾肝腸從此改易詩源指訣

藏盤筮於水底

白氏履道里宅有池水可泛舟樂天每命賓客
繞船以有十油囊懸酒炙沉水中隨船而行一
物盡則左右又進之藏盤筮於水底也窮幽記

七井生涼

霍仙鳴別墅在龍門一室之中開七井皆以雕
鏤木盤覆之夏月坐其上七井生涼不知暑氣



雲仙雜記卷之七

雲仙雜記卷之七
雲林異景志

雲仙雜記卷之八

八角玉升

宣帝時西夷恒阨國貢八角玉升夏以水澆之
則無暑冬以火迫之無寒異事甚衆 逢夏記

失去周字知唐必興

則天初稱周方具告天冊文有吏人見大周字
上有西仙童長二三寸執刀剡削斯須視之失
去周字人知唐必復興 鳳池編

曲江春游

曲江春游之家以脂粉作紅餽竿上成雙桃樹



雲仙雜記卷之七

雲仙雜記卷之七
雲林異景志

雲仙雜記卷之八

八角玉升

宣帝時西夷恒陶國貢八角玉升夏以水澆之
則無暑冬以火迫之無寒異事甚衆

逢夏記


失去周字知唐必興

則天初稱周方具告天冊文有吏人見大周字
上有西仙童長二三寸執刀剡削斯須視之失
去周字人知唐必復興

鳳池編

曲江春游

曲江春游之家以脂粉作紅餽竿上成雙桃樹



RESERVED NATIONAL CENTRAL LIBRARY, TAIWAN, R.O.C.

夾雜畫帶前引車馬曲江春遊錄

毛詩卷染油代燭

倪芳飲後必有狂恠恬然不耻或以毛詩卷染油代燭醉徹曉醉仙圖記

眉睫間常化佛

清涼僧海豐苦行二十餘年人見其眉睫間常化佛千百大如黍米往來遊行已不覺也清涼僧海

好李花致富

終南及廬岳出好李花西市貴侯富民以千金


買種終廬有致富者耕桑偶記

一物如人眼睛

蕭餘上元夜於宣陽里酒盤下得一物如人眼睛其體類美石光彩射人餘夜遊市肆開置掌中每行黑闇衢巷隨身光明三尺毫末可鑿後因而飛出影燈記

造笙

初造笙每管中入荻根細沙一豆許遇吹時飛沙於中激揚聲愈清徹近世樂工未有知者惜夫辨音集



喬敷嗜魚

喬敷嗜魚而貪日向漁人貸食漁人送魚一斤則以白堊標門記之後日償價年律一終白堊盈門堊上書

浮陽筍


九華小民浚池得物狀類竹根旁有一銘曰浮陽筍太古孕寒投牆在三年不盡民不識字使人讀之誠以豆一斗造牆投物其中果三年不臧時逢道士青陽記

瓜甲間皆出雲煙

魏郡開成中大旱徧禱山岳或言西沈陸先生道行精明請之必驗太守以下乃携香酒青羊以備牲醑告于山中先生受禮訖對太守呼吸數過五指連拂之瓜甲間皆出雲烟之氣惟中指氣象甚盛先生曰郡中雨得足諸縣皆獲八分亦可小稔已而其說不誣從容錄

石魚

南康有狂人周可大見魚必置數十頭食餘棄于几上人謂隨即臭腐可大以手摩之皆為石魚後年餘友人訪之見其紙裹石魚煨以啖客



新香不異常魚道遙公南康記

王母惜黃中李過蟠桃

西王母居龍月城城中產黃中李花開則三影結實則九影花實上皆有黃中二字王母惜之過於蟠桃與紫陽真官博戲則以一二百枚遞多勝負真記

重黎盃酌水


宣武判官洪子昇延嵩山鍊師在宅植大兩皆遮漏滿欲上堂戶子昇有憂色鍊師取杯中重黎盃酌水不滿盃而連初隨已乾矣宣武文事

時元亨鍊真

方山道人時元亨鍊真厭世三十餘年精唾涕淚俱惜之七十髮不白走如奔馬宋先生曰吾以小術令此子三日即死乃於酒中以羊豕腦一拌啖之元亨不覺也飲罷便苦頭痛下痢明日便出如剝淨鷄頭肉者二三升許又明日元亨果卒河中記

孫逢年好酒色老不衰

長安孫逢年日一醉無虛席妓妾曳綺羅者二百餘人晚年衰憊齒皆舛齲空虛如樓閣而落



好不衰

長安後記

三維居朝川地不容塵

王維居朝川宅宇既廣山林亦遠而性好溫潔地不容浮塵日有十數掃帚者使兩童專掌縛帚而有時不給洛都安記

磁石益眼

蓋眼者無如磁石以為盆枕可老而不昏寧王宮中多用之

豐寧傳

魚喜鹿胎香

揚州太守問丘惠會僚友于轉沙亭集境內漁

戶令曰所得魚多者有金帛之賞有一漁人以肉物作塊散懸於網上取魚倍衆力凡十經得魚三千六百無甚小者衆慙而退太守詢之曰魚喜鹿胎之香適散懸者乃此物也下網台之萬魚畢聚矣


揚州事述

降魔寺僧以名召魚

東川降魔寺僧吉祥魁梧多力受飯五鉢日夜誦經九函池中魚知其數以名召之背出水面使去即沒

蜀晉錄

并代人喜嗜麪



并代人喜嗜楚切以吳刀淘以洛酒漆斗貯之
擊鼓集老幼自以多寔取之至飽河東備錄

鶴識字

衛濟川養六鶴日以粥飲啖之三年識字儕川
檢書皆使鶴銜取之無差金城記

洗心糖

茅地經冬燒去枝梗至春取土中餘根白如玉
者搗汁煎之至甘可為洗心糖繼燕異記

槵花綠

青齊間有一種莢花盛開時垂絲至二三尺採

之練以松脂遮相纏結織成鞋履寄往都下人
皆不辨何物青州雜記

秘密泉

甘塘社有一水方丈瑩潔春夏不竭旱則禱之
應時雨下然牛馬猪羊飲之肥澤鷄鴨鵝鴈飲
之必死鄉民緣可以救旱號秘密泉鄒縣名錄

怯夜幡

胡陽白壇寺幡剎日中有影月中無影不知何
故因號怯夜幡金臺記

魚鱉隨世安危



大禹治水功成令江淮河海神曰魚鼈衰盛隨
世安危自此之後年必小減使其價躉增以食
晚未之民應天意也禹功記

書冊以竹漆為糊

凡書冊以竹漆為糊逐葉微攤之不惟可以久
存字畫兼紙不生毛百年如新此宮中法也白
氏金鎖

真脫絲布

人之為文語意疎慢者真脫絲布文士之病莫
大乎此 鍾鼎句眼

入酒中沐浴使毛髮識味

石裕方明造酒數斛忽解衣入其中恣沐浴而
出告子弟曰吾平生飲酒恨毛髮未識其味今
曰聊以設之庶無厚薄

酒中玄


龍口渠

翰林有龍口渠通內苑大雨之後必飄諸花蕊
經由而出有百種香色名不可盡春月尤妙

金鑿密記

口中現五色牙齒

孔幾好術藝延接方士多所傳授能口中現五



色牙齒彩色光絢一瞬即改止戈集

李有九標

蕭鴉陳叔達於龍昌寺看李花相與

香雅細淡潔密宜月夜宜綠髻宜白酒

永子舊纂

斗盆燒乳頭香

曹務光見趙州以斗盆燒乳頭香十斤曰財易

得佛難求舊和禪學錄

鼠精李

王侍中家堂前有鼠從地出其穴即生李花

實俱好此鼠精李也好事集

猪肝中有識書


白浦民割猪肝肝中有一紙大如手色如新書

云煙 蒼蒼明年無糧次年巢寇起州郡多荒

纂異記

酒魔

常元載不飲羣僚百種強之辭以鼻聞酒氣已
醉其中一人謂可用術治之即取對批元載鼻
尖出一青虫如小蛇曰此酒魔也聞酒即畏之
去此何患元載是日已飲一斗五日倍是玄山



糠市

洛陽振德坊皆貧民例享糟糠之薄賀知章目

為糠市

從容錄

品物互徵古事

房璘至人家凡閱四筵摘其品物互徵古事一

一切當河中記

雲仙雜記卷之八

雲仙雜記卷之九

一杯羹三萬錢

李德裕奢侈每食一杯羹其費約錢三萬雜珠

玉寶貝雄黃朱砂煎汁為之過三煎即棄其滓

博異志

縑繫南山樹

明皇問富人王元寶家財多少對曰請以一縑

繫陛下南山樹南山樹盡臣縑赤窮博異志

心織筆耕

翰林盛事云王勃所至請託為文金帛豐積人



糠市

洛陽振德坊皆貧民例享糟糠之薄賀知章目

為糠市

從容錄

品物互徵古事

房璘至人家凡閱四筵摘其品物互徵古事一

一切當河中記

雲仙雜記卷之八

雲仙雜記卷之九

一杯羹三萬錢

李德裕奢侈每食一杯羹其費約錢三萬雜珠

玉寶貝雄黃朱砂煎汁為之過三煎即棄其滓

博異志

縑繫南山樹

明皇問富人王元寶家財多少對曰請以一縑

繫陛下南山樹南山樹盡臣縑赤窮博異志

心織筆耕

翰林盛事云王勃所至請託為文金帛豐積人



謂心織筆耕北里志

燕奴

有術士於腕間出彈子二九皆五色叱令變化即化雙燕飛騰名燕奴又令變即化二小劍交擊湏臾復為丸入腕中洞微志

三斗爛腸

殷洪遠云周旦腹中有三斗爛腸金樓子

金菜玉蔬

始皇遣徐福入海求金菜玉蔬并一寸椹

無腸公子

蟹曰無腸公子龜曰先知君

駮雞犀


通天犀中有白紋如絲者置米其上以飼雞雞見鷲走名駮雞犀刺為魚形持入水水輒開出抱朴子

天鼓

雷曰天鼓雷神曰雷公抱朴子

虎狼稱呼五君

山中寅曰稱虞吏者虎也稱營路君者蒼狼也稱東王父者麋也西王母者鹿也成陽公者狐也



社君者鼠也 抱朴子

鵲巢獺穴

鵲巢知風之所起 獺穴知水之高下 暉日知晷
鳩鳥也 陰諧知雨 雉也 出淮南子

靈運鬚

謝靈運美鬚臨刑施南海祇洹寺為維摩詰鬚
寺中寶惜中宗時安樂公主五日鬪百草遣人
取之仍剪棄其餘 國史纂異

沒了期

錢鏐封吳越王工役太興士卒嗟怨或夜書府


門曰沒了期沒了期修城繞了又開池鏤出見
之命吏書曰沒了期沒了期春衣繞了又冬衣
嗟怨頓息 五代史補

拔釘錢

趙在禮在宋州所為不法百姓苦之一日制下
移鎮永興百姓相賀曰眼中拔却釘矣可不快
我在禮聞之上表乞還鎮朝廷許之在禮每口
率錢一千號拔釘錢遂獲百萬 同上

釜中龍

南唐時有蒼頭持龍水圖來貨或得之將練為



衣忽金中雲蒸起見二龍騰躍穿壁而去

黃紙寫勅

正觀中太宗詔用麻紙寫勅詔高宗以白紙多
虫蛀尚書省領下州縣並用黃紙

食玉炊桂


燕秦之楚三日乃得見王辭行王曰曾不少留
對曰楚國食貴於玉薪貴於桂謁者難得見如
鬼王難得見 天帝臣食玉炊桂因鬼見帝王
曰聞命矣戰國策

鷓鴣蚌

趙旦伐燕燕代為燕謂惠王曰臣過易水蚌方
出曝而鷓鴣啄其肉蚌合而箝其喙鷓鴣曰今日不
兩明日不兩即有死蚌蚌曰今日不出明日不
出必有死鷓鴣而不相舍漁者得而并之同上

鑿婦

魯人有獨處室者隣之釐婦宣嬪也亦獨處夜
暴風雨釐婦室壞趨而託焉魯人閉戶曰男女
不六十不閑居今子幼吾亦幼是以不敢納婦
曰何不學柳下惠然嫗不逮門之女魯人曰下
惠則可吾固不可吾將以吾之不可學下惠之



可孔子家語

螳螂搏輪

齊莊公出獵有螳螂舉足將搏其輪御曰此蟲
知進而不知退不量力而輕就敵莊公曰以為
人必為天下勇士矣於是迴車而避之而勇士
歸之同上

銅鶴樽

韓王元嘉有一銅鶴樽背上注酒則一豆倚滿
則正不滿則傾側朝野僉載

鵲尾杓

陳思王有鵲尾杓柄長而直置之酒樽凡王欲
勸飲者呼之則尾指其人同上


麒麟檯

唐楊炯海呼朝士為麒麟檯或問之曰今假弄
麒麟者必脩飾其形覆之鹽上宛然異物及去
其皮還是驢耳無德而朱紫何以異是同上

喙長三尺手重五斤

陸餘慶為洛州長史善論事而繆於法判時嘲
之曰說事即喙長三尺判事則手重五斤同上

鶴鳴鷄樹



鳳閣侍郎杜景儉文章知識並高遠時號鶴鳴

雞樹朝野簽載

鳩集鳳池

王及善才行庸猥為內史踰鳩集鳳池 出朝野簽載

金剛舞夜叉歌

隋諸葛昂高瓚爭為豪侈昂屈攢串長八赤餅
澗文餘餞愈如柱酒行自作金剛舞以送之瓚
後昂昂以車行酒馬行肉確斬繪張赤羣自唱
夜叉歌以送之 朝野簽載

金卮玉階


明光殿金玉珠璣為簾箔金卮玉階晝夜光明
在桂宮中 三輔黃圖

傳座

長安風俗元日以後適飲食相邀號傳座 南音新書

寶苗

山中有葱下必有銀有薤下必有金有薑下必有銅錫
山中有王者木旁枝下垂謂之寶苗
築糠三尺



新羅人泛海漂隋鬼國鬼執之曰汝能与我築
糠三尺乎汝欲鼻長一丈乎其人請築久不成
乃為鬼拔其鼻如象酉陽雜俎

翻綽入水

玄宗嘗令左右提翻綽入池水中復出曰向見
屈原笑臣爾遭逢聖明何亦至此同上

龍巢翻

夷陵江或浮大木激塞水面土人謂之龍巢翻
此夢瑣言

見李思戒


明宗不豫馮道入問因指果實曰如食楸不廉
他日見李思戒此夢瑣言

一步一計

李克用入魏博觀之城上有旗幟來往晉王曰
劉鄩一步一計更令審探果縛葛為人縛旗於
上以驢負之循城而行鄩軍遁已二日矣同上

通神錢

張廷賞判度支有獄頗冤濫公台吏嚴戒旬日
須了明日案上有小帖子曰錢三萬貫乞不問
此獄公怒更促之明日帖子云五萬貫公亦怒



明日復見帖子曰錢十萬貫遂止不問所親問
之公曰錢至十萬通神矣無不可為之事吾懼
及禍不得不止也此開錢水

九花亂

代宗時范陽貢馬額高九寸真虬龍也身被五
花紋號九花虬後以賜郭子儀社陽雜編

上清珠

開元初崩寶國王貢上清珠光照一室有仙人
玉女雲鶴搖動其中有水旱兵革之災虔視無
不應驗同上


副急淚

宋世祖謂劉德願曰卿哭貴妃悲者當厚賞德
願應聲慟哭撫膺辮涕泗交流上甚悅故用
豫州刺史以賞之上又令醫術人羊志哭貴妃
志亦嗚咽極悲他日有問志者曰卿那得此副
急淚志曰我爾日自哭亡妾耳通鑑

五花館

荆南舊有五花館待賓之上地也故眩上成納
詩曰不是上台怜姓字五花賓館敢從容南部

新書



烏龍

會稽人張然滯役經年不歸婦與奴私逼然卷一狗名曰烏龍後然歸奴懼事覺欲謀殺然狗注晴視奴奴方興手烏龍盪奴奴失刀仗然取刀殺奴純抄神記

驚如感

山陰公主臨志悅褚彥回以白帝帝台彥回西上閣宿十日公主夜就之備見逼追彥回整身而立從夕至曉略不移志公主謂曰君髡髮如戟何無丈夫意彥回曰雖不敏何敢首為亂階

里來觀食久乃滅纂異記

紙封九錫

稷又為紙封九錫拜楮國公白州刺史統領萬字軍界道中即將事略

硯封九錫

稷又為硯封九錫拜離石鄉侯使持節即墨軍事長史兼鐵面尚書鳳翔進耕傳

為花樹洗瘡止痛

郭文在山間有石榴楊梅等花為樵牧所傷始甚賣簪沽酒以澆花樹人問之曰為二子洗瘡



止痛芳賢傳


通鑑

田舍翁十斛麥

李勣入見上問之曰朕欲立武昭儀為后褚遂良固執以為不可遂良既顧命大臣事當且已乎對曰此陛下家事何必更問外人上意遂決許敬宗宣言於朝曰田舍翁多收十斛麥尚欲易婦况天子立后何豫諸人事而妄生議乎同

赤鳳凰

后所通宮奴燕赤鳳者雄捷能超樓閣兼通昭



儀十月五日宮中故事上靈女朝吹填擊鼓連臂踏歌赤鳳凰來曲后曰赤鳳凰為誰來昭儀曰赤鳳為姊來寧為他人乎后怒以杯擲昭儀裙曰鼠子能嗔人乎昭儀曰穿其裙見其私足矣安在嗔人乎帝微聞其事以問昭儀昭儀曰以漢家火德故以帝為赤鳳帝信之大悅趙后外傳

雲仙雜記卷之九

雲仙雜記卷之十


麩賓鐵

樂工廉郊師於曹緹綱曰教被人多矣未有此性靈弟子也郊常池上彈麩賓調忽聞芟荷間有物跳躍出呼乃方響一片有知者識是麩賓鐵也指撥精妙致律呂相應物類相感耳琵琶錄

截鞞留鞭

姚崇牧荊州受代日闔境民泣撫馬首截鞞留鞭以表瞻戀開元天寶遺事

蜂蝶慕香



儀十月五日宮中故事上靈女朝吹填擊鼓連臂踏歌赤鳳凰來曲后曰赤鳳凰為誰來昭儀曰赤鳳為姊來寧為他人乎后怒以杯擲昭儀裙曰鼠子能嗔人乎昭儀曰穿其裙見其私足矣安在嗔人乎帝微聞其事以問昭儀昭儀曰以漢家火德故以帝為赤鳳帝信之大悅趙后外傳

雲仙雜記卷之九

雲仙雜記卷之十


麩賓鐵

樂工廉郊師於曹緝綱曰教授人多矣未有此性靈弟子也郊常池上彈麩賓調忽聞芟荷間有物跳躍出呼乃方響一片有知者識是麩賓鐵也指撥精妙致律呂相應物類相感耳琵琶錄

截鞞留鞭

姚崇牧荊州受代日闔境民泣撫馬首截鞞留鞭以表瞻戀開元天寶遺事

蜂蝶慕香



都下名妓楚蓮者國香無及每出則降蝶相隨
慕其香同上

白暖盃

內庫有青酒杯紋如亂絲其薄如紙以酒注之
溫溫然有氣相次如沸湯名自暖杯同上

遊仙枕

龜茲國造一枕色如瑪瑙枕之則十洲三島四
海五湖盡入夢中帝名為遊仙枕同上

辟寒犀

交趾國進犀一棧以金盤置於殿中暖氣蘇人

使者曰此辟寒犀也同上

喚鐵

太白山居士郭休有運氣絕粒之術以繩繫一
鐵片子鳥獸聞之即集遶下名曰喚鐵開元天寶遺事

冰山

進士張彖力學有大名楊國忠用事爭譴門彖
獨不往曰爾輩謂楊公之勢可倚如太山耶以
吾所見乃冰山也皎日一照則當悞人後登第
為華陰尉歎曰丈夫有凌雲蓋世之志拘於下
位若立身於矮屋中使人擡頭不得遂拂衣長



往同上

花相

學士許慎與親友宴花園中聚花鋪座曰吾自

有花相何消坐具同上

風涿藪澤

長安平康坊妓女所居新進士以紅賤名紙遊

其中謂此坊為風流藪澤同上

莘頭生花

李太白少夢莘頭生花後天才贍逸名聞天下

百寶欄

上賜國忠木芍藥國忠以百寶為欄開元遺事

吸花露

貴妃每宿酒初消多苦肺熱凌晨傍花枝口吸

花露潤肺同上

含玉嚙津


貴妃素有肉體苦熱肺渴每曰含一玉魚藉甚

漁津沃肺同上

夜明枕

辨國夫人有夜明枕光照一室不假燈燭同上

梨花



李白與人談論皆成句讀如春葩麗藻擊於齒
牙時號李白粲花之論同上

二鶻擲卵

嘉陵江上見二鶻擲卵相上下以接之蓋習其
飛也其胎教之意乎又翅羽未成躍出巢穴往
往隨壘而宛其天性俊勇是亦躁進之類

山鷄自愛

山鷄自愛其色終日映水目眩則溺死

天心月脇

皇甫湜稱愈文曰穿天心出月脇

茗戰


建人謂鬪茶為茗戰

金麻銀麋

天子北征曹奴之人餼天子于泮水之上賜金
鹿銀麋今有地上得銀狔金狗之類皆古賂夷
狄奇貨藉天子傳

溫柔鄉

成帝謂合德為溫柔鄉曰吾老是鄉矣不能效
武帝求白雲鄉也樊姬賀曰陛下真得仙者合
德號為婕妤趙亦外傳



六甲行厨

左慈明六甲能役鬼神坐致行厨葛洪傳

老子僕徐甲

老子西度關關令尹喜知其非常人從之問道老子大鵲舌聃然故號老聃老子耳有三漏手握十文其僕徐甲約日直百錢自隨二百年計欠七百二十萬錢甲詣關令索所欠令問老子對曰甲父聽死吾以太玄清生符救之得至今日使甲張口向地符出丹書文字如新甲立成一聚枯骨令知老子神異叩頭請命復以符投

骨上甲乃復生

龍牀


韓志和有道術憲宗時獻一龍牀坐則鱗鬣爪角皆動又於御前以繩虎子數十令分隊舞梁州曲皆中音節沈珍傳

九色鳳雛

東方朔游房林之野獲九色鳳雛洞冥記

懷夢草

鍾火山有香草武帝思李夫人東方朔獻帝懷之即夢見名懷夢草洞冥記



青鸛

羽山之北有鳥曰青鸛聲如鐘磬世語曰青鸛鳴時太平拾遺記

寶井

范蠡收四方難得之貨或藏之井輒謂之寶井麗色溢於閨房謂之游宮拾遺記

瓊厨金穴

光武皇后弟郭况家工冶之聲不絕人謂之郭氏之室不雨而雷東京謂况家為瓊厨金穴流香渠

靈帝起裸游館千間渠水遶砌蓮大如蓋長一丈其葉夜舒晝卷名夜舒荷宮人靚粧解上衣著內服或共裸浴西域貢苜蓿香煮湯餘汁入渠號流香渠

書倉

曹魯積石為倉以藏書名曹氏書倉

如願

有商人過清湖見清湖君君問所須商曰但乞如願君許之果得一婢如願即其名也商有所求悉能致之後曰正旦如願晚起商人槌之走



入糞壤中不見今人正旦以細繩繫綿人投糞
掃中云乞如願


金蓋玉膾


吳都獻松江鱷魚湯帝曰所謂金蓋玉膾東南
佳味也 南部烟花記

閃電窻

帝觀書處窻戶玲瓏相照金鋪玉觀輝映溢目
號為閃電窻 南部烟花記

雲仙雜記卷第十終






國立中央圖書館, NATIONAL CENTRAL LIBRARY, TAIWAN, R.O.C.



國立中央圖書館, NATIONAL CENTRAL LIBRARY, TAIWAN, R.O.C.



國家圖書館, NATIONAL CENTRAL LIBRARY, TAIWAN, R.O.C.

